

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-25169/25
Sarajevo, 26.12.2025. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU
o izboru najpovoljnijeg ponuđača - Izvođenje radova na rekonstrukciji i izgradnji
sportskih igrališta na području općine – II faza

I

Prihvata se preporuka Komisije za javnu nabavku radova i okvirni sporazum u postupku javne nabavke - Izvođenje radova na rekonstrukciji i izgradnji sportskih igrališta na području općine – II faza, broj obavještenja 422-1-3-171-3-231/25, objavljeno na Portalu javnih nabavki BiH dana 28.10.2025.godine i u “Službenom glasniku BiH” – Oglasnik javne nabavke broj 65/25 od 31.10.2025.godine, dodjeljuje se grupi ponuđača “Flex Invest” d.o.o. Sarajevo i „Tenneco Ing” d.o.o. Kiseljak sa ponuđenom cijenom za okvirni sporazum u iznosu od 399.000,00 KM bez PDV-a, odnosno 466.830,00 sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-25169/25 od 27.10.2025.godine Općina Novi Grad Sarajevo pokrenula je otvoreni postupak javne nabavke – Izvođenje radova na rekonstrukciji i izgradnji sportskih igrališta na području općine – II faza, broj obavještenja 422-1-3-171-3-231/25, objavljeno na Portalu javnih nabavki BiH dana 28.10.2025.godine i u “Službenom glasniku BiH” – Oglasnik javne nabavke broj 65/25. Procijenjena vrijednost nabavke je 555.555,55 KM bez PDV-a, odnosno 650.000,00 KM sa PDV-om.

Zapisnikom o otvaranju ponuda od 18.11.2025. godine Komisija je konstatovala da je u predviđenom roku u propisno upakovanim kovertama pristiglo šest (6) ponuda ponuđača:

1. “Mibral” d.o.o. Sarajevo
 2. “Dinalsa” d.o.o. Sarajevo
 3. „Džekos” d.o.o. Sarajevo
 4. grupa ponuđača “Babel” d.o.o. Sarajevo, „Hidrom” d.o.o. Sarajevo i „Glovis” d.o.o. Zenica
 5. grupa ponuđača “Flex Invest” d.o.o. Sarajevo i „Tenneco Ing” d.o.o. Kiseljak
 6. grupa ponuđača “Teslaluks” d.o.o. Sarajevo i „Euro-Cop Invest” d.o.o. Bosanska Krupa
- Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo šest ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je konstatovala da dostavljena ponuda grupe ponuđača "Teslaluks" d.o.o. Sarajevo i „Euro-Cop Invest” d.o.o. Bosanska Krupa ne ispunjava kvalifikacione uslove tražene u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine uspješno izvršio minimalno jedan ugovor koji za predmet ugovora ima iste ili slične radove vrijednosti najmanje 325.000,00 KM sa PDV-om, a tačkom 3.4.2. (a) *propisano je da se navedeno dokazuje dostavljenjem liste izvršenih ugovora ponuđača kao dokaz da je u protekle tri godine uspješno izvršio minimalno jedan ugovor koji za predmet ugovora ima iste ili slične radove vrijednosti najmanje 350.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima iste ili slične radove vrijednosti najmanje 325.000,00 KM sa PDV-om koju je izdala ugovorna strana – naručilac radova, a koja sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.*

Ponuđač je na stranici broj 52. ponude dostavio potvrdu o uredno realiziranom ugovoru za izvršene radove na izgradnji objekta u poslovnoj zoni Bihać, koju je izdao „I Selimović” Cazin u vrijednosti od 444.938,97 KM sa PDV-om, gdje se navodi da je ponuđač „Euro-Cop Invest” d.o.o. Bosanska Krupa uredno izvršio predmetni ugovor. Komisija je konstatovala da radovi navedeni u potvrdi ne predstavljaju iste ili slične radove onim koji su predmet nabavke. Zajednički radovi iz dostavljene potvrde i radovi koji su predmet javne nabavke su eventualno površinski i zemljani radovi i pješačka staza koji su svakako sastavni dio većine projekata i radova i ne predstavljaju tehničku, tehnološku ili iskustvenu suštinu radova koji su predmet ove javne nabavke. Radovi koji su predmet potvrde predstavljaju manje od 20% radova koji su predmet javne nabavke.

Na strani 54. ponude dostavljena je potvrda o uredno realiziranom ugovoru izdata od „MEMIĆ GRADNJA” d.o.o. Cazin za izvršene zemljane radove na objektu „ANH CAPITAL INVESTMENT” u iznosu od 207.804,45 KM sa PDV-om. Na stranicama broj 56., 58. i 62. ponude dostavljene su potvrde o uredno realiziranim ugovorima koje je izdao Grad Bosanska Krupa. Uvidom u dostavljene potvrde utvrđeno je da je vrijednost ugovora za izvršene radove manja od vrijednosti tražene navedenom tačkom tenderske dokumentacije gdje je naznačeno da vrijednost radova treba da bude u iznosu od najmanje 325.000,00 KM sa PDV-om, a u predmetnim potvrdama se navodi da su izvršeni radovi u vrijednosti nižoj od tražene, te ih Komisija nije mogla cijiniti kao prihvatljive.

Nadalje na stranici broj 60. ponude ponuđač je dostavio potvrdu o uredno realiziranom ugovoru za izvršene radove na izgradnji objekta u poslovnoj zoni Bihać, koju je izdao Grad Bosanska Krupa broj 05-19-1026/24 od 09.02.2024. godine o uredno izvršenom ugovorima gdje se pod rednim brojem 4 navodi Ugovor – Uređenje javnih površina u ulici 544.SBB i Trgu Alije Izetbegoviću Bosanskoj Krupi ukupne vrijednosti ugovora 349.828,71 KM. Iz priložene potvrde nije moguće sagledati o kojim se tačno radovima radi i da li obuhvataju radove vezano za izgradnju i rekonstrukciju sportskih igrališta, obzirom da isti nisu navedeni. Shodno tome Komisija je izvršila uvid u e-portal javnih nabavki, odnosno nabavku broj 1272-1-3-167-3-140/22 od 6.12.2022. godine, te je iz predmjera radova utvrdila da se navedena potvrda odnosi na radove koji uključuju: pripreme i zemljane radove, radove na popločanju asfalta, radove odvodnje oborinske kanalizacije, radove javne rasvjete, radove na sistemu navodnjavanja i hortikulture te radove na rekonstrukciji i izgradnji fontane.

Međutim, predmet javne nabavke je rekonstrukcija i izgradnja sportskih igrališta koji između ostalog obuhvataju izgradnju betonske podložne ploče sportskog igrališta (ploče većih površina koje karakteriše posebna preciznost i nivelacija samog betona u smislu obezbjeđenja funkcije površinske odvodnje oborinskih voda koje padaju na teren), koja zahtijeva posebnu tehnologiju izgradnje završnih podnih obloga od lijevane gume gdje se prvi sloj izrađuje posebnim finišeima za gumu a drugi sloj nanosi prskanjem gdje se takode koriste posebne tehnologije i mašine. Također predmet radova je nabavka i ugradnja fudbalskih golova, koševa te njihovo ankerisanje kao i izgradnja sportskih ograda oko igrališta. Ovi radovi na podlozi i sportskom mobilijaru su jako specifični i zakonski su propisani standardi i norme koji se moraju ispoštovati prilikom izvođenja istih kao i certifikati koje oprema mora imati. Sve zajedno predstavlja karakteristične radove ove javne nabavke i ponuđač je za njih trebao dokazati da ima potrebno iskustvo tj dostaviti potvrdu za ugovor koji za predmet ugovora ima iste ili slične radove vrijednosti najmanje 325.000,00 KM sa PDV-om.

Shodno gore navedenom Komisija nije mogla cijiniti dostavljene potvrde kao prihvatljive, jer radovi navedeni u potvrdama ne predstavljaju iste ili slične radove koji su traženi navedenom tačkom tenderske dokumentacije.

Iz naprijed navedenih razloga utvrđeno je da je ponuda grupe ponuđača "Teslaluks" d.o.o. Sarajevo i „Euro-Cop Invest” d.o.o. Bosanska Krupa ne ispunjava uslove tražene u tenderskoj dokumentaciji iz tačke 3.4.1. (a) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno ponuda je nepravilna.

Komisija je pristupila analizi i procjeni dokumentacije preostalih ponuda te konstatovala da preostale dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala računsku grešku u ponudi grupe ponuđača „Flex Invest” d.o.o. Sarajevo i „Tenneco Ing” d.o.o. Kiseljak odnosno neslaganje u obrascu za ponudu (Aneksa 2) i obrascu za cijenu ponude (Aneks 3) tenderske dokumentacije koja se odrazila na ukupno ponuđenu cijenu za okvirni sporazum u Aneksu 2 i Aneksu 3 ponude tako da ista treba da iznosi 555.480,45 KM bez PDV-a, iznos PDV-a treba da bude 94.431,68 KM te ukupno ponuđena cijena za ugovor treba da iznosi 649.912,13 KM sa PDV-om.

Shodno navedenom, Komisija je dana 19.11.2025.godine uputila ponuđaču Obavještenje o ispravci računске greške o čemu je ponuđač dostavio saglasnost na ispravku računске greške broj 1060/25, 19.11.2025. godine.

Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. „Dinalsa” d.o.o. Sarajevo sa ponuđenom cijenom za okvirni sporazum u iznosu od 549.129,00 KM bez PDV-a,
2. grupa ponuđača „Babel” d.o.o. Sarajevo, „Hidrom” d.o.o. Sarajevo i „Glovis” d.o.o. Zenica sa ponuđenom cijenom za okvirni sporazum u iznosu od 553.263,37 KM bez PDV-a,
3. „Mibral” d.o.o. Sarajevo sa ponuđenom cijenom za okvirni sporazum u iznosu od 555.208,50 KM bez PDV-a,
4. grupa ponuđača „Flex Invest” d.o.o. Sarajevo i „Tenneco Ing” d.o.o. Kiseljak sa ponuđenom cijenom za okvirni sporazum u iznosu od 555.480,45 KM bez PDV-a,
5. „Džekos” d.o.o. Sarajevo sa ponuđenom cijenom za okvirni sporazum u iznosu od 555.528,23 KM bez PDV-a,

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH”, br. 80/23) zakazano održavanje e-aukcije na Portalu javnih nabavki BiH za dan 08.12.2025. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-171/25 od 08.12.2025.godine, Komisija je utvrdila da konačna rang lista izgleda kako slijedi:

1. grupa ponuđača „Flex Invest” d.o.o. Sarajevo i „Tenneco Ing” d.o.o. Kiseljak sa ponuđenom cijenom za okvirni sporazum u iznosu od 399.000,00 KM bez PDV-a,
2. grupa ponuđača „Babel” d.o.o. Sarajevo, „Hidrom” d.o.o. Sarajevo i „Glovis” d.o.o. Zenica sa ponuđenom cijenom za okvirni sporazum u iznosu od 399.500,00 KM bez PDV-a,
3. „Džekos” d.o.o. Sarajevo sa ponuđenom cijenom za okvirni sporazum u iznosu od 455.000,00 KM bez PDV-a,
4. „Dinalsa” d.o.o. Sarajevo sa ponuđenom cijenom za okvirni sporazum u iznosu od 499.500,00 KM bez PDV-a,
5. „Mibral” d.o.o. Sarajevo sa ponuđenom cijenom za okvirni sporazum u iznosu od 555.208,50 KM bez PDV-a,

U skladu sa članom 10. Pravilnika o uslovima i načinu korištenja e-aukcije izvršeno je umanjenje za svaku poziciju tehničke specifikacije za procenat koji iznosi konačno procentualno umanjenje cijene postignute nakon e-aukcije, tako da ponuđena cijena za okvirni sporazum grupe ponuđača „Flex Invest” d.o.o. Sarajevo i „Tenneco Ing” d.o.o. Kiseljak iznosi 399.000,00 KM bez PDV-a, odnosno 466.830,00 KM sa PDV-om, o čemu je ponuđač dostavio saglasnost dana 10.12.2025. godine.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa grupom ponuđača „Flex Invest” d.o.o. Sarajevo i „Tenneco Ing” d.o.o. Kiseljak.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova

